



**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

1. Avaritia sitis inexplebilis.

[urn:nbn:de:hbz:466:1-68709](#)

rem ; illi præbet. Sub finem nefandi convivii (quod sol , ne videret , refugit) capita illi & manus filiorum ostendit, quásque dapes absumperit, narrat. Ille diras omnes & execrations in nefanda mensa structorem regessit, & novo scelere scelus ulcisci cogitavit.

Cæterū Thyestes nihilo melior , quām frater Atreus , ex infando concubitu (filia scilicet) *Ægisthum* fustulit, quem infantulum , mater sceleris tegendi causā , feris exposuit in silvis ; sed is à pastore inventus, eiūsque beneficio nutritus est, adhibitā caprā, quæ lac ei præbuit ; unde appellationem *Ægisti* accepit. Hic adultior factus, impellente patre, Atreum patrum interfecit , & eiusdem filium *Agamemnona*, adjutus à *Clytemnestra* illius uxore, cum qua etiam turpissimè consueverat, per infidias obtruncavit. Cædem adultera, *Oresti* quoque filio machinabatur, nisi *Eleætra* sororis solertiā neci subtractus & ad *Strophium*, regem *Phocidis*, clam educandus missus fuisset. Qui adultiore jam ætate Argos rediit : & cum Legatis Phocensibus (quos Strophius ad *Ægisthum* miserat, tanquam Orestis mortem nuntiatus) ad Clytemnestram intrömissus, unā cum adultero eam interemit. Propter quod scelus agitatus est furis Orestes , quibus non ante purgari potuit, quād ad aram *Diana Taurica*, à Pylade amicissimo perductus, perpetrata facinora expiasset. Alii referunt, à sorore eius *Iphigenia* (cūm per Ulyssem astu abducta, quasi Achilli nuptura, jamjam immolanda esset, Dianaque eius miserta , cervam substituisse) in Tauricam regionem translata , & à Thoante rege sacris eius deæ (qua humana carne siebant) præfecta , fratrem Orestem agnatum, crudeli sacrificio liberatum , cum eo , occiso Thoante, fugam in Italiā fuisse arreptam : denique tamen morsu viperæ oceum. Habuit verò Orestes omnium profectionum & periculorum socium Pyladem , cum quam sancte amicitiam coluit, ut alter pro altero mori non recusarit. Cūm ignorante Thoante (inquit Tullius in *Lælio*) uter esset Orestes (quem morte destinārat) Pylades verò se Orestem esse diceret, ut pro illo necaretur, Orestes autem ita ut erat, Orestem se esse perseveraret, utriusque à circumstantibus applausum est.

Ethica.

I. (a) Eculentum divitiae avaritiæ schema Tantalus est , ideoque omissis cæteris, quæ fabula dedocere posset vitia, hanc in Tantalo perseguemur. Hospitio deos excepisse singitur , quia dives erat , & divitiae

P P vidē-

(a) Avaritia suis inexplabilis.

videntur homines ad deorum confortium evehēre , cūm nihil non possit pecunia , beatúsque putetur , quisquis eas possidet . Honores , gloria , fama , nobilitas , plausus hominum , & rerum omnium felicitas comitantur opulentiam . Filium Pelopem apposuit in cibum cælestibus convivis . Quid enim ? avarus etiam ossa rodit sua , & sanguinem , si posset , vestigalem facheret . Nullum est officium , inquit Tullius pro Quintio , tam sanctum atque solenne , quod non avaritia comminuere atque violare solet . Vilis est ei honestas omnis , fides , pietas , religio , cui pretiosa sitis est aurum . Deum avarus prodit , nedum homines ; patriam , parentes , liberos venales expositurus , si liberalem emptorem inveniat . Egregiè Sallustius in Catilinaria : Avaritia fidem , probitatem , cæterasque bonas artes subvertit ; proque his superbiam , crudelitatem , deos negligere , omnia veritatis habere edocuit . Et Satyricus ,

----- Sed quæ reverentia legum .

Quis metus aut pudor est unquam properantis avari ?

Et illa Furiarum maxima , scilicet Megæra , quæ juxta Maronem ,
--- manibus prohibet contingere mensas ,

Exurgitque facem attollens , atque intonat ore .

Quid aliud est quam mordax cura , perdia pernox avarum excrucians , & nullam ei quietis partem concedens ; in lecto , in mensa , ubique assidet truci aspectu , & miserum torquet , partim sollicitudine acquirendi , partim metu acquisita non amittendi ; absterret ab epulis , dum Euclio suum ipse defraudat genitum , & vel jam putrida & rancida appetit ; vel tam sordide & præparcè , ut meritò audiat illud Martialis lib . 5 . σῦνα μετίζει . Ficus dividit , & quod Aristotelis ait , Cuminum secat . Id quod memoratus Poëta cuidam esuritori occinit lib . 1 .

Déque decem plures semper servantur olivæ ;

Explicat & coenæ unica mensa duas .

Dum reliquæ in alteram & tertiam inferuntur , nec tamen præ sortitie comeduntur . Lepidiūs Plautus in Aulularia , Act . 2 . Scena 4 . de Sordidissimo Euclidean .

Qui divum atque hominum clamat continuò fidem ,
Suam rem periisse , séque eradicarier ,
De suo tigillo fumus si quæ exit foras ;
Quin dum it dormitum , follem obstringit ob gulam ,
Ne quid animæ fors amittat dormiens .
Aquam hercle plorat , cùm lavat , profundere ;

Quia

*Quin ipsi p̄dēm tonsor unguēs dēmpserat,
Collegit, omnia abstulit præsemina.*

Et Juvenalis. Sat. 10.

— Plures nimiā congesta pecunia curā

Strangulat, & cuncta exsuperans patrimonia census.

Ostendit id Plautus in citata Comœd. Quantis Euclio, senex ille
euris & intemperiis ollam auro fartam, de loco in locum identidem trans-
ferit? quam latebram nullam satis tutam putat? quantum oculos emissio-
nes, vel in lusca, & semicæsa anu metuit? Chilon Philosophus interro-
gatus, quid essent divitiae? respondit: Thesaurus malorum, calamitatis
viaticum, improbitatis alimentum. Tullius paradox. i. nunquam exple-
tur, nec saturarur cupiditatis sitis: neque solum, eam qui habent, libi-
dine augendi excruciantur: sed etiam amittendi metu. Horatius lib. i.

Sat. I.

An vigilare metu exanimem noctēsque diésque
Formidare malos fures, incendia, servos,
Ne te compilent fugientes: hoc juvat?

Tantalum inter opes magnas inopem fecit copia. Horatius lib. 2.

Sat. I. Divites sordidos exagitat.

Tantalus à labris sitiens fugientia caprat
Pocula. Quid rides? mutato nomine de te
Fabula narratur: congestis undique saccis
Indormis inhians, & tanquam parcere sacrīs
Cogeris, aut pictis tanquam gaudere tabellis.

Ecclesiastæ pronuntiatum est: cap. 5.

Avarus non implebitur pecunia, nam

Crescit amor nummi, quantum ipsa pecunia, crescit.

Avaritia similis hypropi:

Quò plus sunt potæ, plus sitiuntur aquæ.

S. Augustinus serm. 15. de diversis. c. 15. Divitiae, inquit, non
afferunt satietatem, sed inflammant cupiditatem; nam vidimus quos-
dam, cùm haberent parvam pecuniā, parvis lucris fuisse contentos; sed
postquam cœpit eis abundare, avaritia fauces non clausit, sed extendit:
non irrigavit, sed accedit: poculum respūnt, quia fluvium sitiunt.
Et Senec. Epist. 23. Vidisti aliquando canem missa à Domino frusta pa-
nis, aperto ore captantem? quidquid accipit, protinus integrum devo-
rat, & semper ad spem futuri inhiat. Idem evenit nobis, quidquid ex-

Pp 2

spectan-

spectantibus fortuna project, id sine illâ voluptate dimittimus statim, ad rapinam alterius erecti. Simile est illud Boëtii.

Nil jam parva videntur;

Sed quæsita vorans, fœva rapacitas

Alios pandit hiatus.

En imaginem Tantali. Talis fuit Rufinus ille, Prætorii apud Theodosium Imperatorem Præfectus, & proditor, de quo Claudianus.

Non Tartessiacis illum satiaret arenis

Tempestas pretiosa Tagi, non Stagna rubentis

Aurea Pactoli; totumque exhauserit Hermum,

Ardebit majore siti.

Nimirum qui mare bibunt, plus sitiunt, quia falsum est; qui opibus se ingurgitant, una cupiditatem opum hauriunt. Seneca in Hercule Furente:

Componit opes gazis inhians,

Et congesto pauper in auro est.

Avaro namque opes quam affluunt, tam effluunt.

Memorabile est, quod à scriptoribus traditur, Semiramidem Assyriorum reginam, hanc marmori sepulchrali sententiam inscripsisse: *Quicunque Rex penuriam pecuniae passus fuerit; hoc patefacto monumento, quantumque voluerit, accipiet.* Quam inscriptionem Regibus Assyriis vel negligenteribus, vel mendacem credentibus, imperio ad Persas translato, de Dariis unus (quorum plures fuerunt) auri cupiditate stimulatus, monumentum effregit, pro pecunia mordacissimum convitium reperit. *Nisi vir nequam esset, ac nummorum insatiabilis gorges: nunquam eò descendisset; ut cadaverum loculos scrutarere.* Unde colligis, quoties deludatur sitis Avaritiæ.

II. (b) Atque hæc de Tantalo, cuius progenies cum avito sanguine scelera traxit. Libidine, ambitione, discordia, odiis intestinis, fraudibus, parricidali ferro grassabantur in se mutuo. Nempe malus corvus, malum ovum. Parentum vitia transfunduntur in liberos. In Thyeste flagitiorum initium incestus, inde insidiæ Atreo paratae, & fatalis arietis furtiva ablatio, & fuga dolosa. Atreus crudelitatis & perfidiae monstrum, immanissimus latro, ultionem exegit, naturæ humanæ horrescendam. Sub specie amicitiæ, dum fratrem amplectitur, osculatur, ad cœnam invitat; pro mensa hospitali macellum, pro epulo carnificinam instruxit infandam, à quâ Sol ipse oculos avertit. Adeò parata est ingeniosis crudelibus

(b) Qualis stirps, tales rami.